



Arkivnr: 2014/10533-32

Saksbehandlar: Roald Breistein

Saksframlegg

Saksgang

Utval	Saknr.	Møtedato
Kontrollutvalet		

Oppfølging - Forvaltningsrevisjon av forholdet mellom skuleeigar og skular

Bakgrunn for saka:

Revisjonsrapport innan «Forholdet mellom skuleeigar og skular» vart handsama i fylkestinget 15.10.2014 og det vart gjort slikt vedtak:

«På bakgrunn av forvaltningsrevisjonsrapport "Forholdet mellom skuleeigar og skular", ber fylkestinget fylkesrådmannen syta for å:

1. *Utvikle kvalitetssystemet slik at ein får eit system som i større grad bidrar til å vurdere om alle krav i opplæringslova blir følgt, herunder:*
 - *etablere eit avviksmeldesystem som bidrar til å sikre at avvik frå opplæringslova blir meldt, handtert og dokumentert utan at dette medfører store rapporteringskrav for den einskilde lærar*
 - *vurdere å gjennomføre risikobaserte stikkprøvekontrollar innanfor ulike område for å bidra til å avdekke avvik frå krav i lov og forskrift.*
2. *Vidareutvikle plan- og rapporteringsarbeidet ved skulane ved å*
 - *utarbeide meir skriftleg rettleiing eller døme på korleis data frå PULS kan nyttast i plan- og rapporteringsarbeidet ved skulane, mellom anna for å sikre fokus på gjennomføring*
 - *gjennomføre planlagt opplæring i analyseverktøyet PULS for å sikre at skulane og fylkeskommunen får best mogleg utbytte av systemet*
 - *i større grad gi rom for og følgje opp dei skulevise utviklingstiltaka som ikkje direkte kan knytast opp til skuleeigar sine definerte tiltaksområde*
3. *Avklare kva oppfølging rektorane saknar med omsyn til mellom anna økonomispørsmål, og vurdere å vidareutvikle den oppfølginga som blir gitt.*
4. *Klargjere regionleiarane si rolle og fullmakter ved at det blir utarbeidd dokument som gjer greie for kva mynde dei er delegert.*
5. *Prioritere planlagt arbeid med å utarbeide omtaler av ansvar og prosedyrar innan personalområdet.*
6. *Utarbeide ein langsiktig strategi for å sikre nødvendig og tilstrekkeleg kompetanse i framtida mellom anna til yrkesfaga.*
7. *Sikre at skuleeigar i sine rapporter frå skulebesøka systematisk omtalar gjennomføring i tillegg til status på tiltaksområda for å holde fokus på dette overordna målet.*

8. Sikre at oppfølgingsdialogen med skulane også har fokus på skulen si vurdering av sluttårsaker i tillegg til den informasjonen som går fram av statistikken for å sikre best mogleg tilpassing av tiltak.
9. Sikre at dei skulane som kunne ha nytte av å sjå kva andre skular lukkast med under liknande vilkår, når det gjeld gjennomføring, får informasjon og blir følgt opp systematisk i høve til dette.
10. Laga ein handlingsplan innan 2.1.2015 som viser kva tiltak som skal setjast i verk for å følgja opp tilrådingane i rapporten, når tiltaka skal setjast i verk og kven som skal ha ansvaret for iverksettinga.
11. Fylkestinget ber om at forvaltningsrevisjonen vert oversendt opplærings- og helseutvalet til orientering.»

Handlingsplan i tråd med punkt 10 i vedtaket vart handsama i kontrollutvalet som referatsak RS 18/15 i møte 23.3.15 og det vart gjort slikt vedtak:

«Kontrollutvalet ser positivt på det arbeidet som er kome i gang når det gjeld forvaltningsrevisjon av forholdet mellom skuleeigar og skular. På bakgrunn av at mange av punkta er planlagd gjennomført eller starta opp i løpet av 2015 ber kontrollutvalet om status på arbeidet i form av skriftleg tilbakemelding innan 31.12.2015.»

Drøfting:

Tilbakemelding frå fylkesrådmannen dagsett 7.12.15 er no motteke og ligg ved.

Av tilbakemeldinga registrerer sekretariatet at det i 2015 er gjort mykje for å få på plass forbetringar som kjem fram i revisjonsrapporten og at nokre av punkta i rapporten er ferdig gjennomført. På bakgrunn av at det framleis gjenstår noko arbeid med å få på plass rutinar når det gjeld tiltakspunkta: 1a-b, 2 a-b, 3 c, 6 a, 8 c-d og 9 b-f, som i hovudsak er planlagd gjennomført løpet av første halvår 2016 ber kontrollutvalet om ny status på desse tiltakspunkta i form av skriftleg tilbakemelding innan 1.9.2016.

Konklusjon:

Sekretariatet tilrår at kontrollutvalet ber om ny status på tiltakspunkta 1a-b, 2 a-b, 3 c, 6 a, 8 c-d og 9 b-f i form av skriftleg tilbakemelding innan 1.9.2016.

Forslag til vedtak

Kontrollutvalet ber om at fylkesrådmannen kjem med ny status når det gjeld forvaltningsrevisjon av forholdet mellom skuleeigar og skular på tiltakspunkta 1a-b, 2 a-b, 3 c, 6 a, 8 c-d og 9 b-f i form av skriftleg tilbakemelding innan 1.9.2016.

Hogne Haktorson
kontrollsjef

Roald Breistein
utvalgssekretær

Dokumentet er elektronisk godkjent og har derfor ikkje underskrift.

Vedlegg

- 1 Status handlingsplan for forholdet mellom skuleeigar og skular
- 2 Rapport Status handlingsplan for forholdet mellom skuleeigar og skular - vedlegg
- 3 Retningslinjer for oppfyljing av elevane sitt minste årstimal - vedlegg
- 4 Eigenevaluering i høve lov og forskrift - vedlegg
- 5 Retningslinjer for tilsynsbesøk - vedlegg